

## Kumjua Bwana

**M**aana dunia itajawa na kumjua Bwana, kama vile maji yanavyoifunika bahari.—Isaya 11:9.

Kushindwa kusoma na kulitii Neno la Mungu kumelea mkanganyiko katika ulimwengu. Wanadamu wameuacha ulinzi wa Yesu kwa ajili ya ulinzi wa mwasi mkuu, mfalme wa giza. Moto wa kigeni umechanganywa na moto mtakatifu. Ulimbikizaji wa mambo yaongozayo katika tamaa na kutaka makuu umeleta hukumu ya Mungu kwa ulimwengu.

Tunapokuwa katika dhiki, wanafalsafa na watu wa sayansi wanajaribu kuziridhisha akili zao pasipo kumwomba Mungu. Wanaeneza falsafa zao kuhusu mbingu na dunia, wakichukulia kuwa tauni, majanga, magonjwa ya kuambukiza, matetemeko ya ardhi na njaa, kulingana na yanavyodhaniwa kuwa ni sayansi. Mada zinazohusiana na uumbaji na majaliwa ya Mungu wanajaribu kuzitatua kwa kusema, Hii ni sheria ya asili.

Kutotii kumefunga mlango kwa kiwango kikubwa wa maarifa ambayo yanguweza kupatikana kutoka kwenye Neno la Mungu. Laiti kama watu wangekuwa watii, wanguweza kuelewa mpango wa serikali ya Mungu. Ulimwengu wa mbinguni ungekuwa umefungua vyumba vyake vya neema na utukufu kwa ajili ya ugunduzi. Wanadamu wangukuwa bora kabisa kwa mwonekano, kwa usemi na kwa wimbo, kuliko vile walivyo sasa. Siri ya ukombozi, kufanyika mwili kwa Yesu Kristo, kafara Yake ya upataniisho, visingetiliwa mashaka akilini mwetu. Visingekuwa vimeeleweka vizuri tu, bali pia vingepokelewa kwa ukubali wa juu mno.

Kushindwa kulisoma Neno la Mungu ni sababu kuu ya kuwa na udhaifu na kukoša ufanisi kwa akili. Katika kuliacha Neno hili ili kujilisha maandiko ya wanadamu wasiovuviwa, akili inakuwa imedumaa na ya kuchukuliwa na kila upepo. Hailetwi katika mguso wa kanuni za kina, pana za ukweli wa milele. Ufahamu unajirekebisha kwa ufahamu wa mambo ambayo umezoea, na katika kujitolea huku kwa vitu vyenye ukomo unadhoofika, nguvu yake inafungwa, na baada ya muda inakuwa haiwezi kupanua.

Hii yote ni elimu ya uongo. Kazi ya kila Mwalimu inapaswa kuwa ni kuimarisha akili za vijana kuhusiana na ukweli mkuu wa Neno lenye Uvuvio. Hii ni elimu ya muhimu kwa ajili ya maisha haya na maisha yajayo.

Hebu isije ikadhaniwa kwamba hili litazuia usomaji wa masomo ya sayansi au kusababisha kiwango cha chini cha elimu. Elimu ya Mungu ni ya juu kama ilivyo mbingu na pana kama ulivyo ulimwengu. Hakuna kitu kinachoadilisha na kutia uzima kama usomaji wa mada kuu zaidi zihusuzo uzima wetu wa milele. Hebu vijana watafutē ung'amuzi wa kweli hizi zilizotolewa na Mungu, ndipo akili zao zitakapopanuka na kuimarika zaidi katika juhudi. Elimu hii itamleta kila mwanafunzi ambaye ni mtendaji wa Neno kwenye uwanja mpana zaidi wa fikra, na kumhakikishia utajiri wa elimu usioharibika (Counsels to Parents, Teachers, and Students, 440-442).